

70. gr.

Ársreikningur bæjarins skal fullgerður, endurskoðaður og tilbúinn til afgreiðslu í bæjarstjórn fyrir lok aprílmánaðar.

Bæjarstjórnin skal taka til umfjöllunar og afgreiðslu álit, greinargerðir og tillögur endurskoðanda og skoðunarmanna.

Bæjarstjórn skal hafa lokið fullnaðarafgreiðslu ársreikninga bæjarsjóðs, stofnana bæjarins og fyrirtækja þess eigi síðar en 1. júní ár hvert. Bæjarfulltrúar og bæjarstjóri skulu árita ársreikninginn.

Eintak af ársreikningnum skal senda félagsmálaráðuneytinu og Hagstofu Íslands fyrir 15. júní ár hvert ásamt greinargerð endurskoðanda og skoðunarmanna.

Samþykkt þessi, sem bæjarstjórn Blönduóssbæjar hefur sett samkvæmt ákvæðum 10. og 25. gr. sveitarstjórnarlaga, nr. 45/1998, staðfestist hér með til að öðlast gildi við birtingu. Jafnframt fellur úr gildi samþykkt um stjórn og fundarsköp Blönduóssbæjar, nr. 303/1988.

Félagsmálaráðuneytinu, 11. desember 2003.

F. h. r.

Guðjón Bragason.

Guðmundur Ómar Hafsteinsson.

AUGLÝSING

um deiliskipulag í Ísafjarðarbæ.

Á fundi bæjarstjórnar Ísafjarðarbæjar 3. desember sl. var staðfest deiliskipulag yfir þann hluta Suðureyrar í Súgandafirði sem afmarkast af Túngötu, Sætúni og Þjóðvegi 65.

Deiliskipulagið hefur verið sent Skipulagsstofnun til yfirferðar og hefur hlotið þá meðferð sem skipulags- og byggingarlög mæla fyrir um.

Skipulagið öðlast þegar gildi.

Ísafirði, 30. desember 2003.

Stefán Brynjólfsson, skipulags- og byggingarfulltrúi.

REGLUGERÐ

um daggjöld stofnana sem ekki eru á föstum fjárlögum árið 2004.

1. gr.

Daggjöld.

Daggjöldum á stofnunum sem ekki eru á föstum fjárlögum er ætlað að mæta eðlilegum rekstrarkostnaði án viðhalds húsnæðis og skulu vera sem hér segir frá 1. janúar 2004:

A. Hjúkrunarheimili.

Liður	Viðf.	Heiti stofnunar	Daggjald kr.
401	113	Grenilundur, Grenivík	12.328
401	113	Hvammur, Húsavík	12.561
401	113	Helgafell, Djúpavogi	12.173
401	113	Blesastaðir, Blesastöðum	12.173
401	113	Sólvellir, Eyrarbakka	12.173
401	113	Roðasalur, Kópavogi	12.871
405	101	Hrafnista, Reykjavík	12.794
406	101	Hrafnista, Hafnarfirði	12.794
407	101	Grund, Reykjavík	12.794
408	101	Sunnuhlíð, Kópavogi	13.181
409	101	Hjúkrunarheimilið Skjól	13.026
410	101	Hjúkrunarheimilið Eir	12.871
411	101	Garðvangur, Garði	12.871
412	101	Hjúkrunarheimilið Skógarbær	12.871
413	101	Hjúkrunarheimilið Droplaugarstöðum	13.181
414	101	Hjúkrunarheimilið Lundur, Hellu	12.949
415	101	Hjúkrunarheimilið Hulduhlíð, Eskifirði	12.328
416	101	Hjúkrunarheimilið Hornbrekka, Ólafsfirði	12.561
417	101	Hjúkrunarheimilið Naust, Þórshöfn	12.561
418	101	Seljahlíð, Reykjavík	12.716
419	101	Sólvangur, Hafnarfirði	12.794
421	101	Víðines	12.638
423	101	Höfði, Akranesi	12.716
424	101	Dvalarheimili aldraðra Borgarnesi	13.026
425	101	Dvalarheimili aldraðra Stykkishólmi	11.630
426	101	Fellaskjól, Grundarfirði	11.785
427	101	Jaðar, Ólafsvík	12.018
428	101	Fellsendi, Búðardal	11.863
429	101	Barmahlíð, Reykhólum	12.018
433	101	Dalbær, Dalvík	12.095
434	101	Samningur við Akureyrarbæ um öldrunarþjónustu	12.716
436	101	Uppsalar, Fáskrúðsfirði	12.716
437	101	Samningur við Sveitarfélagið Hornafjörð um öldrunarþjónustu	12.794
438	101	Klausturhólar, Kirkjubæjarklaustri	12.095
439	101	Hjallatún, Vík	13.104
440	101	Kumbaravogur, Stokkseyri	12.794
441	101	Ás/Ásbyrgi, Hveragerði	12.173
442	101	Hraunbúðir, Vestmannaeyjum	12.716
443	101	Holtsbúð, Garðabæ	12.018
444	101	Vífilstaðir, Garðabæ	13.181

Daggjald skal greitt þrátt fyrir að vistmaður hverfi af stofnun í stuttan tíma svo sem til aðstandenda yfir helgi eða hátíðar enda hafi heilbrigðisyfirvöld ekki aukakostnað af dvöl-
inni. Fari vistmaður á sjúkrahús til skammtímainnlagnar skal greiða 70% af daggjaldi stofn-
unar í allt að 30 daga. Við andlát vistmanns eða þegar vistmaður flytur fyrir fullt og allt af
stofnun skal greiða fullt daggjald næstu 7 daga.

Daggjald skal greitt stofnun vegna krónískra nýrnasjúklinga þegar þeir vegna blóðskilunar eru innritaðir á Landspítala-háskólasjúkrahús. Landspítali-háskólasjúkrahús greiðir kostnað vegna lyfjagjafar eins og fyrir aðra blóðskilunarsjúklinga sem skráðir eru inn á sjúkrahúsið.

Greiða skal 800 kr. á dag til viðbótar daggjaldi stofnunar fyrir hvern krónískan nýrnasjúkling sem dvelst á stofnun og þarf blóðskilun á Landspítala-háskólasjúkrahúsi.

Tryggingastofnun ríkisins skal greiða daggjöld samkvæmt A-lið 1. gr.

B. Daggjöld á öðrum stofnunum.

Stofn.	Viðf.	Heiti stofnunar	Daggjald kr.
441	117	Ás/Ásbyrgi, Hveragerði	7.535
470	110	Vesturhlíð, Reykjavík	7.557
472	110	Hlíðabær, Reykjavík	7.235
473	110	Lindargata, Reykjavík	7.235
474	110	MS-félag Íslands, Reykjavík	6.600
475	110	Múlabær, Reykjavík	4.511
476	110	Fríðuhús, Reykjavík	7.235
434	110	Samningur við Akureyrarbæ v/minnissjúkra	7.235

Tryggingastofnun skal greiða daggjöld samkvæmt B-lið 1. gr.

2. gr.

Dvalarheimilisgjöld og gjöld fyrir dagvistun.

Daggjöld á dvalarheimilum fyrir aldraða og fyrir dagvistun aldraðra er ætlað að mæta eðlilegum rekstrarkostnaði án viðhalds húsnæðis og skulu vera sem hér segir frá 1. janúar 2004:

	kr.
1. Vistgjald á dvalarheimili fyrir aldraða	5.554
2. Gjald á dagvistun fyrir aldraða	3.287

Innifalið í dagvistunargjaldi er nauðsynlegur flutningskostnaður vistmanna. Þeir sem þjónustu dagvistar njóta skulu greiða 550 kr. á dag, sbr. 19. gr. laga nr. 125/1999 um málfni aldraðra, með síðari breytingum.

Tryggingastofnun ríkisins skal greiða daggjöld samkvæmt þessari grein.

3. gr.

Innifalið í daggjöldum samkvæmt reglugerð þessari er hvers konar þjónusta, sem vistmönnum er látin í té á stofnunum.

4. gr.

Húsnæðisgjald vegna viðhalds.

Tryggingastofnun ríkisins skal greiða gjald til að mæta viðhaldskostnaði húsnæðis sem dagvistar-, dvalar- og hjúkrunarheimili nýta við rekstur á dagvistar-, dvalar- og hjúkrunarrýmum. Gjaldið árið 2004 er 2.050 kr. á m² á ári og reiknast að hámarki á 60 m² á hvert hjúkrunar- og vistrými að meðtöldu sameiginlegu rými og að hámarki 30 m² á dagvistarrými að meðtöldu sameiginlegu rými. Gjaldið reiknast aldrei á stærra rými en sem stærð húsnæðisins nemur.

Húsnæðisgjaldi er ætlað að standa undir öllu almennu viðhaldi húsnæðis, en ekki stofnkostnaði, afskriftum og meiriháttar breytingum og endurbótum á húsnæði.

5. gr.

Gildistaka.

Reglugerð þessi, sem sett er með stoð í 2. mgr. 39. gr. laga nr. 117/1993 um almannatryggingar, með síðari breytingum, öðlast gildi 1. janúar 2004. Jafnframt fellur úr gildi frá sama tíma reglugerð nr. 921/2002 um daggjöld sjúkrastofnana sem ekki eru á föstum fjárlögum.

Heilbrigðis- og tryggingamálaráðuneytinu, 12. desember 2003.

Jón Kristjánsson.

Davíð Á. Gunnarsson.

REGLUGERÐ

um (1.) breytingu á reglugerð nr. 460/2003 um styrki Tryggingastofnunar ríkisins vegna hjálpartækja.

1. gr.

Eftirfarandi breytingar verða á fylgiskjalinu „Hjálpartæki frá Tryggingastofnun ríkisins“ með reglugerðinni:

Í flokknum **04 Hjálpartæki til meðferðar og þjálfunar** verða eftirfarandi breytingar:
a. **0403 Hjálpartæki við öndunarmeðferð.**

TR hefur gert samning um framkvæmd og rekstur súrefnisþjónustu (súrefni á þrýstihylkjum, súrefnissíur og fylgihluti) fyrir einstaklinga í heimahúsum. Þá hefur TR gert samkomulag um ráðgjöf varðandi súrefnisþjónustu fyrir einstaklinga í heimahúsum. Einnig hefur TR gert samning um öflun, umsjón og rekstur CPAP-, BIPAP- og rúm-málsstýrðra öndunarvéla og ráðgjöf fyrir einstaklinga í heimahúsum. Eru öndunarvélar greiddar að fullu. Skiptanlegir fylgihlutir og rekstrarvörur fyrir vélarnar ásamt þjónustu er einnig greidd að fullu nema fyrir notendur CPAP-öndunarvéla, en þar er kostnaður greiddur fyrir lífeyrisþega og börn/unglinga umfram kr. 250 af mánaðarlegum meðalkostnaði og fyrir aðra umfram kr. 1.500.

Gómur vegna kæfisvefns er samþykktur að undangenginni svefnrannsókn. Er hann þá greiddur 70%, þó aldrei meira en kr. 25.000.

Veitt er hjálpartækjaskírteini vegna fylgihluta við sogtæki. Við kaup þarf að framvísa skírteininu fyrir viðkomandi vöru. Lífeyrisþegar þurfa auk þess að framvísa viðeigandi skírteini/skilríkjum.

04 03 03 Lofthitarar 70% (til að hita innöndunarloft)

04 03 06 Innöndunartæki 70% (m.a. gómar vegna kæfisvefns með hámarki kr. 25.000, sbr. að ofan)

04 03 12 Öndunarvélar 100%, þ. á m. CPAP og BIPAP og skiptanlegir fylgihlutir, þjónusta og rekstrarvörur, þó þannig að skiptanlegir fylgihlutir, þjónusta og rekstrarvörur eru ekki greidd að fullu fyrir notendur CPAP, sbr. hér að ofan.

04 03 18 Súrefnisbúnaður 100%

04 03 21 Sogtæki 100%

04 03 27 Tæki til að bæta öndun 70% (m.a. grímur með inn- og útöndunarmótstöðu)